

Na osnovu člana 29 . Uredbe sa zakonskom snagom o ustanovama ("Službeni list RBiH", broj: 6/92, 8/93 i 13/94) i člana 29. Pravila Javne ustanove „Sportsko rekreativni centar“ Srebrenik, Odluke o raspisivanju konkursa za izbor i imenovanje direktora Javne ustanove Sportsko-rekreativni centar Srebrenik broj:102/2025 od 03.12.2025. godine Upravni odbor raspisuje:

**KONKURS
ZA IZBOR I IMENOVANJE DIREKTORA
JU „SPORTSKO-REKREATIVNI CENTAR“ SREBRENİK**

I- Naziv pozicije:

01. Direktor

II- Opis poslova:

1. Direktor organizuje i rukovodi radom Ustanove, zastupa i predstavlja Ustanovu prema trećim licima i odgovoran je za zakonitost rada Ustanove.
2. U ostvarivanju rukovođenja Ustanovom, direktor predlaže Upravnom odboru mjere za efikasno i zakonito obavljanje djelatnosti radi kojih je Ustanova osnovana, unutrašnju organizaciju u sistematizaciju poslova i osnovne planove rada i razvoja, izvršava odluke Upravnog odbora, odlučuje o pravima, obavezama i odgovornostima radnika iz radnog odnosa, podnosi Upravnom odboru izvještaj o finansijskom poslovanju i vrši druge poslove u skladu sa zakonom i ovim pravilima.
3. Donosi rješenje o prijemu i razrješenju radnika uz saglasnost Upravnog odbora.
4. Direktor je dužan da obustavi od izvršenja opšti akti koji je u nesaglasnosti sa Ustavom ili u suprotnosti sa zakonom, kao i pojedinačan akt kojim se nanosi šteta Ustanovi ili društvenoj zajednici i da o tome obavijesti organ uprave koji vrši nadzor nad zakonitosti rada Ustanove.
5. Ako organ u roku od 30 dana od dana obavještenja, ne postupi u skladu sa istim i o tome ne obavijesti direktora, akt koji je obustavio direktor može se izvršiti.
6. Direktor je naredbodavac za izvršenje finansijskog plana. Direktor je odgovoran Upravnom odboru za rezultate rada i finansijskog poslovanja Ustanove.

III- Opći uslovi:

- a) da je stariji od 18 godina i da je državljanin Bosne i Hercegovine
- b) da je zdravstveno sposoban za obavljanje dužnosti direktora (uvjerenje dostavlja izabrani kandidat nakon okončanja konkursne procedure),
- c) da nije pravosnažno osuđivan za krivična djela protiv ustavnog poredka, protiv čovječnosti i međunarodnog prava, protiv života i tijela, protiv dostojanstva lica i morala, protiv službenog i drugog odgovornog lica,
- d) da se na njega ne odnosi član IX.1.Ustava Bosne i Hercegovine
- e) da nije član izvršnih organa političkih partija
- f) da nema direktan finansijski ili drugi lični interes u ustanovi u kojoj se imenuje koji bi mogao dovesti do sukoba interesa sa njegovom dužnosti direktora,
- g) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu 3.(tri) godine prije oglašavanja upražnjene pozicije,
- h) da nije zbog svoje krivice bio razriješen dužnosti direktora neke ustanove u protekle

- 3.godine,
- i) da ne postoje druge zakonske smetnje za obavljanje poslova iz nadležnosti direktora ustanove

IV-Posebni uslovi:

- a) da ima visoku ili višu stručnu spremu i najmanje tri godine radnog iskustva,
- b) da nema zakonom predviđenih smatnji za vršenje poslova na rukovodnim radnim mjestima
- c) da podnese prijedlog Programa rada za JU Sportsko-rekreativni centar "Srebrenik".

V- Period imenovanja:

Direktor ustanove imenuje se na mandatni period od 4.(četiri) godine uz pribavljenu saglasnost osnivača ustanove.

VI- Potrebni dokumenti, rok i mjesto podnošenja prijave:

Uz prijavu kandidata koja treba da sadrži kraću biografiju, adresu i broj telefona prilaže original ili ovjerenu fotokopiju sljedećih dokumentata:

- a. Uvjerenje o državljanstvu (ne starije od 6.mjeseci)
- b. Izvod iz matične knjige rođenih,
- c. Diploma o završenoj školskoj spreml
- d. Uvjerenje o radnom iskustvu u struci nakon sticanja odgovarajuće stručne spreml
- e. Ovjerena izjava od nadležnog organa kandidata na okolnosti pod tačkama III (c),d), e), f, g), h) i i) –jedna izjava na sve okolnosti.
- f. Prijedlog Programa rada i razvoja ustanove za mandatni period

Nepotpune i neblagovremene prijave neće se uzimati u razmatranje.

Konkurs ostaje otvoren 15 dana od dana objavljivanja u dnevnom listu koji se distribuira na području Kantona, a o rezultatima izbora kandidati će biti pismeno obaviješteni.

Prijave sa potrebnom dokumentacijom dostaviti u zatvorenoj koverti lično ili putem pošte na adresu:

Javna ustanova Sportsko-rekreativni centar Srebrenik, ul. Ibrahima Salihovića bb, 75350 Srebrenik sa naznakom „Prijava na javni konkurs za izbor i imenovanje direktora ustanove, ne otvarati prije zvaničnog otvaranja“.

Broj:102-1/25

Datum 03.12.2025. godine

Predsjednik Upravnog odbora

Mujčić Adin, s.r.